



星 汉(新疆·乌鲁木齐)

游湖光岩小憩楞严寺作

轻风催动旧袈裟,指点湖光接海涯。
碧水倒悬鸚鵡树,蓝天远醉凤凰花。
山喷心火归沉寂,寺起钟声响迹遐。
来日携诗再经过,老僧当赏赵州茶。

遂溪游孔子文化园

读过论语读春秋,圣庙平生我必游。
殿倚青山红日照,风巡碧水白云流。
千年君主频更换,一脉人文赖统筹。
乡党追随老夫子,不辞万里下雷州。

与师红儒同宿白沙镇,夜闻鼾声, 晨兴赠之

休道髯苏已绝伦,雷州自有后来人。
知君也是关西汉,一夜铜琶曲调新。

江 晟(安徽·望江)

登敬亭山

极目春山翠,吟诗上敬亭。

丛花沾露看,林鸟隔空听。
雾锁峰时隐,云开雨暂停。
倚松成远梦,沉醉不知醒。

纺线车

油灯光暗纺车忙,左捻右摇牵线长。
更短夜寒鸡报晓,娘忧老幼薄衫凉。

常立英(山西·晋中)

鹧鸪天·洋山生态园游记

陌上风尘感不禁,幽溪照影听泉音。
虹桥倩影谁曾伴?堤畔明眸趣正寻。
花窈窕,意沉暗。情深最喜唱行吟。
休言阆苑无颜色,佳地洋山欲畅襟。

浣溪沙·北马会月季长廊书所见

擘柳和风又一春,名花铺路嗅真真。
怡情几度醉香醇。妆点娇容
镂玉蕊,剪裁云锦绣山村。题诗留阙
绪纷纷。

叶青才(安徽·岳西)

参观禾木民居

禾木板房临水居,马蹄踏踏过林墟。
白云芳草桃源梦,碧浪轻烟化境书。
天遣仙村惟子子,人来古寨总如如。
铅华洗净重开目,心逐额河尤畅舒。

刘欣(北京)

经九曲十八弯登顶平谷东指壶

穿云破雾三千尺,路转峰回十八弯。
欲借长风凌绝顶,翠林如海我为山。

天津外滩公园见海河晚照

大河折转绕津城,更有钢桥水上横。
千里奔流东入海,天边落照伴霞生。

邹学锋(湖南·郴州)

车过赤石特大桥

长虹飞渡上青天,越壑拴峦画壮观。
铁塔凌空排玉柱,钢绳协律挂金弦。
追风宝马穿云过,沐日冰琴向宇弹。
喜目瑶山添美景,心神入梦酝新篇。

满庭芳·雨中登岳麓山

春雨朦胧,青峦载雾,岳麓袅娜多娇。
长廊烟隐,电塔耸重霄。遍野花摇水响,飞来石,静听松涛。
云官外,扶栏远眺,心逐乱云飘。湖湘灵

脉地,杜鹃映彩,古木萧萧。爱晚亭凝目,领略风骚。
巨臂擎天开泰,丹曦亮,玉宇新韶。情思切,风吟雨啸,更觉麓山高。

黄一平(湖北·十堰)

登黄鹤楼感赋

气吞巴楚带吴钩,万里长江一望收。
鹦鹉洲头思浩杳,晴川阁上兴悠游。
月升日落何终了,汐去潮来岂不周。
今日清平华夏世,彩霞碧浪挟天流。

张春义(山西·太原)

江行

落日江如练,横桥影卧宽。
岸形随远近,船势任高低。
鸥鹭昏初见,波涛眩欲迷。
尝闻蜚鱗介,此去莫燃犀。

过当涂吊李白

椽笔当年独擅名,奈何时蹇每伤情。
延登朝籍非无路,放浪江湖元有声。
松隐高阡层嶂合,水涵绮榭片云行。
骑鲸人去今何在,西望长庚意未平。

李鹏(浙江·杭州)

徒步东白山遇连理树心形石

行过方知草木深,过溪穿岭避红尘。



山中亦有真情在，化树成石默默存。

皋亭山千桃园感记

一树花开无限娇，芳而不艳笔难描。
世间草木三千万，每到春来总爱桃。

梁孝平(山东·即墨)

琅琊台寄怀

琅琊千古耸高台，历代君王纷沓来。
望越食斋皆寄梦，寻仙图霸尽成埃。
江山没有长留客，世上何存不老胎。
先帝惶惶弗如我，无求无欲自悠哉。

读屈大均《鲁连台》寄慨

好义不称臣，新城倜傥人。
飞书退燕将，谈笑却秦军。
解难频施手，居功竟隐沦。
纵观当下士，有几鲁连君？

颜 静(湖南·永州)

行香子·黎里古镇

水岸蒹葭，楼阁星空，却鳌头独占从容。
策鞭放马，拔棹争雄。看志追鹄，心追梦，步追风。
芦墟揽胜，汾湖荡酒，更吴歌灶画香浓。
燕莺款款，福禄融融。喜日晴明，星闪烁，月玲珑。

柳亚子

吴江烟柳秀，灵气日晴初。

马步三民路，文心四壁书。

倾情昭汉简，敲杖探秦墟。

西馆星光灿，云深许问渠。

徐中秋(浙江·台州)

游黄鹤楼

昔人何处去？寻鹤我迟来！
登阁望江汉，题诗踵李崔。
芳洲香已杳，远树色成灰。
好景堪追忆，清流逝可回？

陵前吊陈英士

熠熠辉生匾额悬，青苔墓道吊先贤。
满清亡后魂还在，热血流完境已迁。
此日无言唯可敬，当时有梦亦难圆。
玉兰花树怜君意，默守陵前一百年。

徐观志(浙江·温岭)

登厦门鼓浪屿日光岩

屿登岩敢占先，清风送我上云天。
涛声骤起海船晃，浪鼓频催石脚坚。
门祖锦帆岚气淡，台澎宝岛雾霞连。
唯留心事西东望，何日金瓯一统圆？

西湖

桃花花开柳絮扬，苏堤览胜半红妆。
鱼摇荷叶动菱叶，日照山光映水光。
六洞香桥闹莺燕，三潭印月媚船娘。

春风吹醉西湖貌，游客销魂尽忘乡。

陈其良(浙江·瑞安)

夜游秦淮河

文德桥边游客稠，秦淮歌舞几时休？
君看灯影桨声里，多少风流逐水流。

题李香君故居

秦淮邂逅缔相知，挂席偏逢浪打时。
血溅桃花宁玉碎，堪嗟侠骨不男儿。

季传富(湖南·岳阳)

洞庭画展

秋到重湖画卷开，换装玉带捆楼台。
君山岛上如钩月，钓出天边红日来。

水乡之晨

悦耳渔歌唱大千，牛羊踏步彩云间。
村姑笑向荷塘去，手挽朝霞洒满天。

宋国强(北京)

三清山

三峰万丈倚长空，吴楚分疆景不同。
石级往来天地境，松枝迎送四时风。
延年紫葛生仙井，洗耳清音绕道宫。
晴日攀跻春馥馥，未吞丹药已还童。

访峰城刘伶台

荒台孤立已千年，蚁穴新君伴古贤。
泥锒何妨生铁锈，鹿车未必识牛眠。
风来绰约超尘世，月弄依稀感响泉。
酒旆斜垂情渺渺，榴花深醉石桥边。

陈应龙(贵州·大方)

夏日雨后沿甘溪河游山村小寨

云开雨霁景清新，小径幽幽已绝尘。
滴翠峰峦飘薄雾，护村溪水奏清音。
平林静处鸠声脆，山寨谁家米酒醇？
小犬汪汪为向导，流霞半盏长精神。

水调歌头·谒红九军团猫场战斗革命烈士纪念碑

幽径鸟声脆，园内柏松苍。一行
凝血文字，碑上烁光芒。犹忆萦怀悲
壮，犹听惊心炮响，呐喊震山冈。四百
男儿血，滴滴洒猫场。浇黄土，
滋劲草，润菽粱。山明水秀，莺声燕语
话沧桑。八秩春秋逐水，万古精神耀
宇，青史自留芳。再展长征纛，挥笔写
华章。

高怀柱(山东·莘县)

题武当山净乐宫

一

碧瓦红墙绿水边，玉阶金柱绕云烟。
老聃德配春秋记，真武名留世代传。
如织人游山里庙，挥衣谁是海中仙。



清风袅袅乐声起,怎续修身一段缘?

二

蓬莱怎比太和山,自古修身倚自然。
门绕清风真气在,心存至理大音传。
鲲鹏展翅三千里,道义担当十万年。
不信人生似蝼蚁,胸怀坦荡即神仙。

王善同(新疆·阜康)

咏云竹湖

云穿竹隙起岚烟,细雨人知梦幻边。
淅沥太行波涌碧,葱茏宝鉴客成仙。
星垂牛斗留丰韵,山簇乾坤正盛年。
天自有情天向老,舟行一曲月儿圆。

夜宋金湖畔

座落城南帝景湾,霓虹灯下月光间。
波翻五彩涵缥缈,云倚三星漫转圜。
客去成群消歇夏,心来结对幻游山。
商量故里多馀水,随我新疆出玉关。

刁节木(安徽·巢湖)

鹧鸪天·宁夏沙湖畅咏

一

塞上沙湖天下闻,风光独秀物华新。
江南山水曾相识,大漠明珠无与伦。
花色艳,鸟声频,清波澈底见鱼群。
旅游景点星罗列,夹道欣迎四海宾。

二

沙抱平湖景色娇,参观游览任逍遥。
一春鱼鸟嬉谐趣,十里蒹葭荡绿潮。
荷灿灿,浪迢迢,画船漂泊客魂销。
人间如此风光美,有幸亲临堪自豪。

沙永松(湖北·石首)

三角山森林公园

星台摘月饰山眉,鼎鼐云蒸野外炊。
不老林中听婉转,鸟声带着绿思维。

陈家湖公园拾韵

一

影倒龙山滴翠薇,雨虹驾起彩云归。
迷人不作西湖瘦,绿捧花潮夹岸肥。

二

香茗楼中煮玉壶,振杯摇碎月形孤。
回廊拧断银河锁,散落星光一满湖。

吴树叶(湖南·涟源)

游三峡过洞庭湖平原

昔日粮仓君莫问,今朝千里草青青。
烽烟若起民何食,且向苍天问一声。

扶贫感吟

且随好雨去亲民,渐见云开万物新。
布谷声声啼不住,良田片片草茵茵。

马兴文(河北·滦南)

重阳节登古城楼抒怀

又个开心落帽时,抒怀故故品秋姿。
城头蜥蜴迷新穴,榆上螺蛳焊旧枝。
天朗悠悠云去远,风清阵阵雁飞迟。
老林深处空巢密,几许人家亦若斯!

深秋野外游

似春非夏又非冬,秋色秋声蕴悱浓。
岸柳巡河黄兑绿,野花绣地紫透红。
疏林萧索飞寒雀,衰草凄零泣冷蛩。
万籁悲欢君莫叹,不凉不热度人生!

谢勋烈(四川·宜宾)

西 溪

偷得浮生梦,登临古蜀边。
峰青云海阔,林密竹风绵。
溪裂千年石,松凌百丈渊。
杪楞孤鹤影,夕照漫山烟。

流沙悬练

山悬赤练隐青云,夕照双桥古渡津。
眼底流沙随逝水,边城依旧柳枝新。

杨建兴(浙江·海宁)

天台石梁

磐石凌空卧,飞流凿壁深。
峰高欣未热,林密好成阴。

曲径随溪溯,新蝉夹路吟。
洪荒生险谷,地老叹如今。

寒山湖

湖阔群山小,天蓝水色青。
飞舟掀瑞雪,锦鲤戏浮萍。
酒共清风醉,人偕白鹭停。
心缘三界地,鼾睡入兰亭。

方基瑞(新疆·石河子)

春游乌镇

一

古桥活水俱生华,黑瓦青砖映碧沙。
往返流年心在哪,浑然不觉夕阳斜。

二

小桥流水古砖房,几叶轻舟客四方。
最是千年青石路,新痕旧印证沧桑。

夏荣义(湖北·赤壁)

赤壁北门古渡晚景

鲁肃粮城船码头,而今已了旧时忧。
两边渡口成桥口,一片沙洲变绿洲。
落日下午灯火起,闲人漫步柳风柔。
更欣渔者收摊位,只钓开心不钓愁。

双湖闲坐

何人妙手泼丹青,十里荷塘胜画屏。
碧水成纹风澹远,琼花照眼蝶轻灵。
吹波锦鲤多称意,戏水闲鸥欲忘形。

莫道清幽无处觅，双湖久坐不知暝。

熊军辉(江西·丰城)

韦桥送(广西·桂林)

浮洲印象

绿树红墙唱晚洲，横杆斜塔大桥头。
江风带酒人微醉，一觉归来月上钩。

田心村

青峰千笋抱村围，桂北田心处处辉。
造纸坊听圩日闹，朝天洞看锦衣归。
文魁旧匾新霞落，进士石阶玉殿飞。
但若今生随月闰，清江岸左一蔷薇。

赵元席(安徽·宿州)

登皇藏峪

皇藏峪上雨初晴，携酒呼朋踏露行。
树滴甘淳润衣袖，泉流青石鼓琴声。
遥闻钟磬萌禅意，但看烟岚起幻城。
异步亦生新景象，直疑此境入蓬瀛。

王家麟(江苏·东海)

双湖夏日

适逢夏至雨潇潇，十里清莲分外娇。
翠叶惊风珠玉溅，繁花流韵郁香遥。
萋萋绿岛栖闲鹭，漠漠桐林走野樵。
时令又将凌海变，平湖一夜涌新潮。

同学聚会见昔种的校园樟树

小苗同日种，雨露共滋生。
数载成林后，高低竟不同。

临江仙·游太湖西山缥缈峰

村市迷茫烟数点，云霞变幻无常。
吴山越水郁苍苍。千帆湖上过，万
鸟岫间翔。下酒太湖三白美，碧
螺茶圃飘香。仙桃梅子客争尝。林中
农舍院，今日旅游乡。

王雄军(湖北·崇阳)

青山水库剪影

袅袅云烟清气流，盈盈春景棹歌悠。
青山隐隐连千户，绿水迢迢过百舟。

秋夜

回归倦客梦秋时，灯火依稀倍感思。
多处乌啼多处语，满窗月落满窗诗。

王丹香(湖北·石首)

荆江大堤晨行

身沐朝霞上大堤，清风漫剪草萋萋。
碧波荡漾长桥卧，绿树葱茏小鸟迷。
眼撵轻鸿随陌远，神飞高岭与天齐。
老夫惹得吟须捻，如此诗材岂不题。

王 藻(浙江·杭州)

题杭州白马湖

一

湖楼凭眺足吟哦，菱芡风生皱绿罗。
江隔吴山浮翠黛，史追越国聚金戈。
寒塘清寂闲垂钓，草泽幽深好放鹅。
脉脉人文蕴秀地，家传诗礼读书多。

二

并水湘湖拥绿莎，森森槐影落长河。
烟樯遥接西陵渡，丹实风摇翠嶂坡。
石姥祠湮泯旧碣，护田塘固育丰禾。
粉墙高屋冠山麓，潮拥钱江浩荡波。

毕彩云(辽宁·葫芦岛)

沁园春·宁夏风光

塞上风光，九曲黄河，万里草原。
共贺兰山脉，高能望海；坡头沙漠，屹可擎天。
西夏王陵，清真大寺，伴与洪流月一弯。
平罗县，有连绵景色，鸟落湖边。
神奇环绕银川。叹古迹纷呈世路宽。
记初临圣境，李家称帝；重修宝塔，嘉庆封官。
成吉思汗，纳兰性德，臂挽雕弓立马看；新时代，正春迎旭日，福到人间。

胡鉴明(湖北·黄石)

采桑子·扬州瘦西湖

一

春风巧饰西湖瘦，十里红霞，绿柳无涯。
两岸林阴踏落花。五亭秀色游人醉，白鹭为家，树影婆娑。
廿四桥头日影斜。

二

烟花三月扬州醉，万紫千红，万紫千红，十里湖光春色浓。
柳林漫步清幽处，明月当空，明月当空，廿四桥头画舫横。

莫雪元(浙江·杭州)

游普陀山

借得轻车上顶峰，穿云破雾自从容。
漫游佛殿论联句，细品香茶听梵钟。
世界文坛尊孔学，神州释教仰禅宗。
我来胜地寻幽趣，姚境怡神倍惬胸。

陈焕琪(浙江·杭州)

湘湖漫步

夏日骄阳照我行，钓竿吻水影斜横。
贪看湖面微澜水，偷听林中聒噪声。
出水芙蓉红透白，脱衣新竹绿融青。
黄莺知叟钟情树，飞上枝头伴一程。

徐荣铨(浙江·湖州)

湖州游南浔小莲庄

清闲自在向莲池，无限风光初夏时。



放浪形骸吟且唱,老夫不减少年痴。

喇叭羞,更厌吹高调。绿蔓红英也是情,无意听夸耀。

初访妙峰山

久慕妙峰绿荫浓,今春初访兴匆匆。
未登三癸情难已,改日重来霜叶红。

何晓明(安徽·六安)

沁园春·万佛湖

万佛高峰,万顷平湖,万道丰源。
落江淮岭上,银河泛绿;水云间里,蓬
岛浮烟。叠阁回廊,徽风皖韵,绿树丹
崖闹里闲。身疑是,在稻花香处,世外
人间。 中华名胜湖山,有多少难
能数得全。像杭州西子,浓妆淡抹;滇
池蟹屿,苇地萍天。泽汇洞庭,江流彭
蠡,独此人工别样妍。难能及,写诗情
有境,画意无边。

胡嘉祥(浙江·丽水)

九溪即兴

徐步悠悠到九溪,赏心品茗小亭西。
飘香一阵连风起,知是桂花落翠堤。

西湖集贤亭远眺

天边日影映山云,又见芳洲花木深。
浪语传声诗对酒,秋风播说客操琴。
更无俗物迷人眼,但有清波洗我心。
最爱此亭晨望好,一湖烟水碧如岑。

杨凤生(上海)

游临海逆溪湖

牛山青碧映湖天,吾乘飞舸浪逐烟。
远眺峦巅林密处,红霞一抹醉枫前。

散天花·新晃夜郎谷

访古寻幽日奔忙。不辞千里远,
到黔湘。晃州城外有仙乡。云间浮峭
壁,景辉煌。 飞瀑天来喷练长。
景延十八里,现沧浪。珍禽异兽景中
藏。灵泉环净水,汇三江。

双调·忆江南·怀念外婆

儿时忆,最忆外婆村。泊雁柳塘
花满院,横河堤岸树缤纷。时刻念慈
恩。 光阴逝,难忘外婆心。万缕
思情长似水,三春难报感忧深。怀念
泪沾襟。

卜算子·咏牵牛花

生长太平时,不奏冲锋号。似报
佳音说稔年,总对人们笑。 憨为